

**Sulisoqarnermut Akitsuut pillugu Inatsisartut inatsisaata allanngortinneqarneranik Inatsisartut inatsisaat nr. 5, 26. april 2007-imeersoq (Sulisoqarnermut akitsuuummiik nalunaarutinik tunniussinissamut akiliuteqarnikkullu isumannaarinissamut piffissaliunneqartunut allannguutit)**

**§ 1**

Sulisoqarnermut akitsuut pillugu Inatsisartut inatsisaat nr. 10, 2. november 2006-imeersoq imatut allannguuteqartinneqarpoq:

1. § 4, imm. 1, imatut oqaasertalerneqarpoq:

"Suliffeqarfik akitsuuummik akiliisussaatitaasoq qaammatit naaneri tamaasa kingusinnerpaamillu qaammatip tulliata qulingani akissarsiat akitsuusigassaasut katinnerannik taakkulu akitsuutaannik akileraaruseriffimmut nalunaaruteqartassaaq. Nalunaarummik tunniussinissamut piffissaliusaaq sapaataappat nalliuttuuppallunniit imaluunniit arfininngornerulluni, piffissarititaasoq ulluinnaasumut tullermut sivitsorneqassaaq."

2. § 5, imm. 1, imatut oqaasertalerneqarpoq:

"Akissarsiat akitsuusigassaasut katinnerannit akitsuut qaammatip tulliata aallaqqaataani akiligassanngusaaq piffissaagallartillugu akiliinissamut kingusinnerpaamik qaammatip akiliiffissaasup 20-ani killeqarluni. Piffissaagallartillugu kingusinnerpaamik akiliiffissaq sapaataappat nalliuttuuppalluunniit imaluunniit arfininngornerulluni, piffissarititaasoq ulluinnaasumut tullermut sivitsorneqassaaq."

**§ 2**

Inatsisartut inatsisaat 1. januar 2008 atuutilerpoq.

Namminersornerullutik Oqartussat, ulloq 26. april 2007

Hans Enoksen

/

Josef Motzfeldt